



**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Juris Canonici A. R.P. Paulo Laymanno Societatis Jesu Theologo SS.
Canonum In Alma, Catholica, Et Episcopali Universitate Dilingana
Professore Qvondam Ordinario, Prælectionibus Academicis Illustrati

Laymann, Paul

Dilingæ, 1673

Eivsdem Titvli In VI. Capitvlvm I. Cùm æterni.

[urn:nbn:de:hbz:466:1-62587](#)

biuum practicè deponi posse, ex eo principio, quod in causa dubia pro matrimonii valore præsumendum sit, licet hoc casu fauorem non mereantur contrahentes, cum bona fidei possellores non sint; ipsum tamen matrimonium, si in facie Ecclesie contractum sit, talem fauorem mereri debet; quæ videtur esse doctrina Henriquez. l. 1. c. 11. n. 5. insigne; licet aliter discurrat Sanch. l. 2. de matrimonio. disp. 42.

S Quod ad alterum attinet, si duo Iudices delegati discordes sint, seu diuersam sententiam ferant, unus pro auctore, alter pro reo, tunc causa instructa remitti debet ad superiorem, seu delegantem. *c. Per hoc. 17. de h. ret. in b.* qui vnam earum, quæ justa ipsi videbitur, confirmabit, sicuti expressius habetur in l. 28. ff. *derejud.* duo Iudices dati diuersas sententias dederunt; Modestinus respondit, utramque sententiam in pendent esse, donec competens Iudex vnam earum confirmavit. videri potest *gl. in authentica*, vt Iudices non expectent coll. 9. v. sententiam.

Ex his colligit *Abb. hic. n. 4.* Si duo officiales Collegæ sunt ordinaria potestate prædicti, tum valere sententiam, quæ ab uno lata est pro reo, præterquam si causa fauorabilis sit. Sin autem sint delegati, tum in delegatis arbitrio est, num vnam earum sententiarum approbare velit, cum etiam possit causam alijs denuo cognoscendam committere, quandoquidem sententia ab uno absque altero lata irrita est, *iuxta c. Causam. 16. & c. penult. de off. deleg.*

At verò in aliis rebus ordinandis, si duo Domini, ordinariam potestatem seu jurisdictionem pro indiviso possidentes non consentiant, tunc superior providere deberet, ut alternis temporibus. v. g. annis potestatem exerceant, secundum *Gloss. c. licet. 5. verb. conuenit. causa. 16. q. 3.*

Quod ad tertium attinet, si arbitri aut arbitratores in sententia discordent, seu diuersas sententias proferant, nulla earum vallet. Excipe nisi compromissum sit, adiectâ clausulâ, ut vnius sententia separatim lata valere possit, *iuxta l. Non distinguemus. 32. §. Cum in plures. ff. de arbit.* Nam hoc casu

idem seruari debet, quod de ordinariis Iudicibus, supra dictum est, sicuti *Alex. hic notat n. 12.*

EIVSDEM TITVL IN VI.

CAPITVLVM I.

Cum æterni.

P A R A P H R A S I S.

Si Judex Ecclesiasticus ordinarius vel delegatus in grauamen alterius litigantium partis aliquid contra justitiam & propriâ conscientiam egerit ex fauore, aut per sortes, videlicet pecuniâ corruptus, præter alias poenæ per annum ab officij executione suspensus manet, & ad litis æstimationem parti, quam legit condemnandus; quod si suspensione durante temere se diuinis ingesserit, irregularitatem iuxta Canon. sanctiones contrahat, à qua cum liberare nemo poterit præter Rom. Pontificem, aliis quoque constitutionibus, quibus Judici malè judicanti poenæ infliguntur, in suo vigore permanentibus.

S V M M A R I V M.

1. *Constitutio hac noua & pœnalis ideoq; stricta interpretationis fertur contra judicem Ecclesiasticum ordinarium (non autem Episcopum) & delegatum.*
2. *Ad pœnam eius incurrandam requiritur, ut judex partem litigantem grauet, & ut id faciat iniuste & contra conscientiam.*
3. *Suspensio quæ fertur contra judicem Ecclesiasticum, intelligi debet ab officio simpli citer, hoc est, ab exercitio ordinis & jurisdictionis.*
4. *Judex malè judicans, item suam facit, & si per dolum malè judicauit, etiam infamis efficitur.*
5. *In causa criminali conficatis bonis in existentium mittendus est judex, qui datio vel promisso aliquo se corrupti passus est.*
6. *Si per imprudentiam vel imperitiam malè judicatur.*

judicanit iudex, ex qua^s delicto obligatur, & ad litis estimationem parti l*æse* pro ratione culpa.

- 7. *Actio in factum, quâ connueniri potest iudex male judicans, non pendet ab appellatio- ne: quâ etiam pendente, locus est huius actionis.*
- 8. *Predicata de iudice locum etiam habent in tabellione ma^{re} conficiente instrumenta.*
- 9. *Pœnam suspensionis ab officio non incurrit iudex, si ob imperitiam male judicauit, putans tamen se rectè judicare.*

Constitutio hæc noua est & pœnalis, quamobrem strictam interpretationem meretur, vt ultra terminos verborum secundum juridicam eorum acceptiōnem non extendatur. Itaque fertur contra Iudicem Ecclesiasticum ordinarium & delegatum, sed non comprehenduntur Episcopi, iuxta s. Quia. 4. de sent. excom. in 6, vbi cautum est, quod Episcopi nullam suspensionis aut interdicti sententiam incurruunt, nisi eorum expressa mentio fiat. Neque comprehenduntur arbitri & promissarij, nisi arbitri juris. arg. 1. Si quis. 29. C. de pat. Quia in locum Iudicium succedunt, eorumque arbitria ad formam judiciorum omnimodè redacta sunt, & ita notat h̄ic Monach. n. 8. gl. verb. in iudicio. Durand. in specul. l. 1. p. 1. de arb. §. 1. n. 6. Neque locum habet constitutio in auditore & executore, sicut Ioan. Monach. & gl. cit. loco. testantur.

Denique tria requiruntur ad pœnam huīus constitutionis incurrendam, videlicet ut Iudex partem litigantem grauerit seu iudicet, & ut id faciat iniustè & contra conscientiam; quia alterius partis sanorem, pecuniae largitionem, aliāmque odii, vel timoris affectiōnem præfert veritati ac justitiæ. vide gl. h̄ic. verb. per sortes, & quæ dicuntur in l. filios familias. de iudiciis.

Not. 1. Si contra Iudicem Ecclesiasticum feratur suspensio ab officio, intelligi debet de officio simpliciter, vt ab exercitio ordinis, ac jurisdictionis (non item à beneficiis, teste gl. h̄ic. verb. beneficis) iusensus sit, adeò, vt violando hanc censuram, irre-

gularitatē quoque contrahat, conuenienter iis, quæ dixi. l. 1. tract. 5. p. 3. num. 2. §. tametsi. Alioquin si ab officio tantum iudicandi suspensus esset, non ideo prohibetur officia diuina celebrare. Deinde si ita suspensus aduersus prohibitionem ipsi factam iudicandi munus exerceceret, irritum quidem esset, quod ageret, irregularitatē tamen non contraheret, cum ea non ob quamvis censurā violationem decreta sit, sed tantum si talem censuram violet, ratione cuius à celebrationē, aut ordinis alicuius exercitio prohibitus, vti constat ex tototit. l. 5. decretal. de cler. excom. aut suspensiō ministrante. & notat Suar. de censur. D. 42. s. 1. n. 1.

Not. II. Si iudex malè iudicauerit, item suam facit. i. e. contra ipsū agi potest actione in factum ad litis estimationem.

Verū distinguendum h̄ic est, velenim per dolum male judicauit, hoc casu infamis efficitur & estimationem litis, i. e. quantum interest partis, iniustè contra ipsam iudicatum fuisse, in solidum præstare cogitur. l. filius fam. 13. ff. de iudiciis. & l. vlt. C. de pœna Iudicis qui male judicauit.

In causa autem criminali confiscatis bonis in exilium mittendus est iudex, qui dato vel promisso aliquo se corrumpi passus est authentic.

Vel per imprudentiam aut imperitiam male judicauit iudex, credens tamen se rectè iudicare, tunc non propriè ex delicto, sed quasi ex delicto obligatur, & ad litis estimationem seu damnum & interesse parti l*æse* præstandum condemnandus est non absolute, sed prout considerata culpa videbitur ei, qui de hoc iudicaturus est. cit. l. filius familias. l. Si quis. 5. §. Si iudex. ff. de obligationibus & actionibus l. vlt. ff. de variis cognitionibus. Institut. de obligationibus ex qua^s delicto, principio, & videri potest Bart. in l. 2d n. 2. C. de pœna Iudicis.

His addendum est 1. Quod hæc actio in factum aduersus iudicem dolo aut per imperitiam male iudicantem non pendeat ab appellatione, quia tamen si appellationi renuntiatum sit, aut dies ad appellandum dati transierint, tamen contra iudicem agi potest sicuti

sicuti pluribus relatis docet Gal. 1.1. obseru.
153. num. 2. sed & pendente appellatio-
ne Iudicem actione ista conueniri posse,
si malè judicauit, vel alias grauauit, v. g.
probationes, vel defensiones non recipien-
do, testatur Bald. in l. Observare. §. Profi-
sci. q. 20. ff. de off. Proconsul.

Adde 2. Quod dictum est de Iudice, id
etiam locum habere in tabellione male
confidente instrumenta, ut paribus modis
conveniri possit, sive per dolum, sive per
imperitiam egerit, juxta l. vlt. C. de Ma-
gistratibus conueniendis. & docet Gl. Marg.
Nova in cit. l. Filius familiæ.

Quæres. Vtrum pœnam huius Capituli,
videlicet suspensionem ab officio incurrat
Iudex, si ob imperitiam male judicauit, ex-
stimans tamen se rectè judicare.

Responsio est negativa, quia satis colli-
gitur ex textu. verb. *Contra conscientiam.* &
verb. *Per gratiam aut sortem.* juncta l. cit.
Filius fam. vbi dolo male id agi dicitur,
quod à Iudice gratiâ, inimicitia, aut per sor-
tes fit.

CAPITVLUM II.

Ad Apostolicæ.

PÄRÄPHRÄSIS.

Honorius III. & post ipsum Gregor. IX.
Fridericum II. Imperatorem, quod Ec-
clesiæ jura & immunitates inuaderet ac
violaret, excommunicarunt; post verò
cùm ad succurrendum rebus Ecclesiæ i-
dem Gregor. Concilium generale Epi-
scoporum Romam conuocaret, adnauig-
antes Episcopi & Cardinales ex Hispaniis & Galliis in Genuensem triremibus
capti fuerunt, & ad Fridericum adducti.
Gregorius vitâ excessit, & cùm amplius
anno Romana Sedes vacâset, Innoc. IV.
electus est, qui mox magnæ authoritatis
nuntios ad Fridericum alegauit, vt de
pace cum ipso tractarent, ante omnia au-
tem Cardinales, Episcopos & Clericos,
quos captiuos detinebat, liberos dimitti
jubet, postea admittendam esse satis-

factionem, si quam offerret pro iniuriis
& damnis Ecclesiæ illatis, sin autem ne-
garet se Ecclesiæ offendisse, sed magis
iniuriam passum esse, tunc paratus erat
Innoc. IV. conuocare Reges & Princi-
pes Ecclesiasticos & sacerdotes, qui de cau-
la cognoscerent, ita, vt si Ecclesia Ro-
mana Imperatorem læsisse censeretur,
tunc ipsi ex Consilio Synodi satisfacien-
dum, & sententiam, si quæ contra Impe-
ratorem iniuste lata esset, reuocandam.
Præterea si Imperator ipsemet pro iniuriis
& damnis à se illatis, facti pœnitens sa-
tisfactionem promittat, tum Innoc. qua-
tenus cum honore suo & Ecclesiæ pote-
rit, eam recipere, & pacem cum Impera-
tore & adhærentibus eius stabilire para-
tus erat.

Verum cùm Fridericus huiusmodi monitis
acquiescere nollet & pertinacè se præbe-
ret, Pontifex Concilium generale Lugdu-
num convocauit, & quæ Imperatorem ad
causam suam dicendam citauit, Impe-
rator ipsemet non accessit, sed Procura-
torem misit, ac Legatum, Thadæum no-
mine, Año Christi 1243. Qui licet elegan-
ti sermone Imperatorem excusare cona-
tus fuerit, tamen cùm excusationem insi-
ficientem non esse ostensum fuisset, Inno-
c. IV. cum Imperio & Regno Siciliæ,
quod ab Ecclesia in feudum tenebat, ex
Conciliis assentu priuauit, quatuor allatis
causis. 1. Quia periurus esset, pacem ju-
ratam inter Ecclesiæ & Imperium se-
pius violando. 2. Quia Cardinales, E-
piscopos, & Clericos ad Concil. venien-
tes sacrilegè capi curauit. 3. Quia de hæ-
resi evidenteribus argumentis suscep-
tus esset. 4. Quia Clericos & Laicos in Si-
cilia affligat, eosq; Romanam Ecclesiæ
hostiliter impugnare compellat, sed &
hoc annumerari posse, quod pensionem
annuam, quam ex Siciliæ Regno Eccle-
siæ Romanæ in feudi recognitionem
pendere debet, amplius nouem anni sol-
uere prætermiserit, ea propter Pontifex
omnes, qui juramento fidelitatis eidem
Friderico II. obstricti sunt, in perpetuum
absoluti

¶¶¶